



Шочмо эл, порылык да чын верч!

Будь готов!

41-ше (3637) №,
2023 ий 13 октябрь,
кугарня.



1933 ий 1 февраль годсек лектеш.

Паша айдемым илаш

ТУНЫКТА



«Паша пукша, паша йүкта, паша илаш туныкта», – маныт калыкыште. Калыкмутын чынжым уэш умылышт. У тунемме ий гыч школлаште трудовой воспитанийлан кугу тўткышым ойырышт, йочам изинек пашалан кумыландаш тўналгыч.

Теве Кужэнер район Йўледўр кыдалаш школа пелен 26 сотык кумдыкан пакча уло. Тудым В.Т.Худякова вуйлата.


Тунемше ден туныктышо-влак тўрлў пакчасаскам ончен куштат. Кумдыкым отдел-влаккан шеледеныт.

Мутлан, полевой отделыште шўльым, шожым, шемшыданым ўденыт, а вес отделыште – эмлык кушкылым. Тўналгыш класслаште тунемше-влак шке йырагыштышт пашам ыштат.

Окружающий мир урокышто могай культурым тунемыт, тудым шындат да эскерат. А эше пакчаште опыт-влакым эртарат.

Тўрлў йўн дене паренгым, помидорым ончен куштат да нунын ойыртемештым рашемдат. Тений кешыр, йошкар-ушмен умен шочыныт. Тунемше-влак рўжге поген налыныт (снимкылаште). Тыршет гын, паша лектыш куандарыше лиеш.

В.МАМАЕВА.



КИНОМ ВОЙЗЕНЫТ

«Орлёнок» всероссийский йоча рүдериште самырык кинематографист-влакын «Бумеранг» XVIII всероссийский форумышт эртаралтын. Марий Элын чапшым Йошкар-Оласе «ЗУМ» йоча киностудийын тунемшыже-шамыч Никита Журкин (М.В.Ломоносов лүмеш лицей) (снимкыште шолаште), Глеб Мочалов (14-ше номеран гимназий) (снимкыште пурлаште), Полина Халтурина (30-шо номеран школ) араленыт. Форумын участникше-влак оператор, продюсер, режиссёр Андрей Мызниковын вуйлатымыш почеш «26 сентября» кином ямдыленыт. Чолгалыкым ончыктымаштан Никита Журкин III степеня «Лучший помощник режиссёра» диплом да Глеб Мочалов III степеня «Лучший звукооператор» диплом дене палемдалтыныт.



Л.НИКОЛАЕВА ямдылен.
Фото-влакым интернет гыч налме.

Историйым шергалына

★ 1811 ий 14 октябрьыште М.И.Кутузовын вуйлатыме руш войска Болгарийысе Руцук ор (кызыт Русе ола) воктене турко армийым кырен шалатен.

★ 1943 ий 14 октябрьыште Собибор колымаш лагерьыште икымше кугу воспитаний лийын. Тудым совет офицер Александр Печорский вуйлатен.



ДУБЛЁРЫН КЕЧЫЖЕ

Тунуктышын пайремже вашеш мемнан школышто дублёрын кечыже эртаралтын. Кугурак класслаште тунемше-влак (снимкыште) тунуктышыштым алмаштеныт. Мыят тений икымше гана тунуктышо лийын онченам. Лена йолташ ўдырем дене кумшо классыште тунемше йоча-шамыч дене

пашам ыштенна. Руш йылме, литератур, ИЗО да математике предметлам тунуктенна. Изишак ноялтын гынат, йоча-влак дене пашам ышташ онгайын чучын. Дублёрын кечыж деч вара тунуктышо лияш кумылем лектын.

Виктория МАМАЕВА.
Кужэгер, Йүледёр.
Фотом школ архив гыч налме.

Российысе увер

«Гимн России понятными словами» всероссийский конкурс увертареныт. Элнан гимнжым шомак, видео але мультфильм полшымо дене умылтарыман. Йодмашым **31 октябрь марте** колтыман. Тўрысе увер – youthy.ru сайтыште.

Йоча да студент-влак, «Палитра культур» V тўнямбал дистанционный конкурсыш ушныза. Тўвыран тўрлө жанрже дене ямдылыме пашам аклат. Паша-влакым **13 ноябрь марте** колташ лиеш.

«Адмирал Фёдор Ушаков моими глазами» всероссийский конкурсшто кумылан кажне ег мастарлыкшым терген кертеш. Ф.Ушаковым сўретлыман, тудын нерген видеороликым ямдылыман але почеламутым возыман. Пашам youthy.ru сайтыш **20 декабрь марте** колтыман.

Марий Элысе увер

Кумылан кажне ег **3 ноябрьыште «Кугу этнографий диктант»** акцияш ушнен кертеш. С.Г.Чавайн лүмеш Национальный библиотекеште 11 шагатлан тўналеш. **3-8 ноябрьыште** miretno.ru сайтыште онлайн возаш лиеш.

Национальный вургемым ямдылыше мастар-влаклан «От чистого истока» республикысе конкурс эртаралтеш. Йодмашым Республикысе калык усталык да тўвыра ден каныме паша шотышто шанче-методике рүдериш **27 октябрь марте** пуыман.

Йошкар-Олаште Православийын историйже тоштерыште Саровысо военно-морской чап музейын «Адмирал Ушаков» куснылшо ончержым кельштарыме. Тушко яра пураш лиеш. Ончер **20 октябрь марте** пашам ышта.

Йонга Чавайннын сылнымутшо

Марий сылнымутын классикше С.Г.Чавайннын шочмыжлан 135 ий темме лүмеш республикыште түрлө сынан мероприятий-влак эртаралтыныт. С.Г.Чавайн лүмеш Национальный книгагудо «Ото» сылнымут фестивалыш йоча ден кугыен-влакым ушен. Йылмым, литературым да историйым научнын шымлыше В.М.Васильев лүмеш марий институт «Сергей Чавайн. Личность. Творчество. Эпоха» всероссийский шанче-практике конференцийым эртарен. М.Шкетан лүмеш Марий национальный драме театр С.Чавайннын «Элнет» романже, «Мүкш отар» пьесеже почеш шындыме спектакльла дене калыкым куандарен.



Шочмо кундемаште

6 октябрьыште, Сергей Григорьевичын шочмо кечынже, Морко район Чавайнурысо Литератур да этнографий комплексыште район-влак коклаше Чавайн лудмаш кудло наре ўдыр-рвезым иквереш чумырен. Пайрем С.Чавайннын памятникше воктеке пеледышым пыштымаш гыч тўналын (кўшыл снимкыште). Торжественный ужашыште шуко уна, Чавайннын уныкаже, кугезе уныкаже-влак марий сылнымутын ачаже нерген кугешнен ойленыт. Морко

районысо Унчо школышто тунемше-шамыч С.Чавайннын илыш корныжым мурымаш, куштымаш, почеламут корныла гоч радамленыт. Варажым ўдыр-рвезе-влак кум секцийыште тагасеныт: Сергей Григорьевичын почеламутшым, прозыжым лудыныт. Шке гыч возышо йочашамыч Чавайн дене кугешнен серыме сылнымутышт дене палдареныт.

Кум йылме дене

– Тений Чавайн лудмашым латиндешымше гана эртаренна. Уста писательын

сылнымутшым кум йылме дене, марла, рушла, татарла, лудаи йўным ыштенна, – оила Морко районысо М.Н.Янтемир лүмеш сылнымут да этнографий тоштерым вуйлатыше М.С.Александрова. – Йоча-шамыч ий гыч ийыш моткоч чаплын лудыт. Ындыжым прозымат сылнын лудаи тунемын шуыныт. Тыгай кўкшытыш шумаште туныктышо, ача-ава-влакын надырышт кугу. Нунылан таум ойлена. Мария Николаевам (Морко, Эжерсола), Гаврил Александровым (Арын), Регина Григорьевам (2-шо номеран Морко шк.), Ксения Дмитриевам, Ксения Антюшинам (1-ше номеран Морко шк.), Полина Кушаковам (Волжский, Пётъял) поснак палемдыме шуэш. Нуно иктафашышт-влак коклаште икымше верым сеен налынныт.

Чавайннын сылнымутшо ий гыч ийыш йонга. Самырык тукым тудым шарна да кугешна.

Л.ГРИГОРЬЕВА.

А.ТИТОВЫН фотожо-влак.



Снимкыште: сeгыше-влак.

Пырля шарналтенна

Марий калыкын ик эн йўратыме писательже С.Г.Чавайннын 135 ияш лўмгечыжым Медведево районысо Руэм школышто 2-шо

«Е» классыште тунемше ўдыр-рвезе-влак дене пырля палемденна. Пўртўсыш поход дене миенна. Иквереш погынен, илыш

корныжым радамленна, почеламутлажым лудынна. Сылне шыже игечылан куанен, фотом ыштенна.

Л.Г.ПАВЛОВА.



– Олаш илаш куснымеке, эргына-влакым могай занятийыш але кружокыш колташ кўлмө нерген шоненна. Пелашем ден коктын дзюдо спорт нерген ончычшым пешыжак пален огынал. Ты корным Глеб ижежак ойырен налын, а ме тудлан полшена, – ойла Снежана авашт. Глеб дзюдо дене 1-ше класс гычак кылым куча. Урок деч вара ты кружокыш кажне кечын гаяк вашка. Изажым эскерен, Егорынат кружокыш кошташ кумылжо лектын. Тудат ынде кок ий утла коштеш. Изак-шоляк

Чолга изак-шоляк

Йошкар-Ола гыч изак-шоляк Глеб ден Егор Мамаевмыт (снимкыште) түрлө аланыште вий-куатыштым тергат. Коктынат Семёновка селаште верланыше 21-ше номеран кыдалаш школышто тунемыт: Глеб – нылымше классыште, а Егор – кокымшышто.

шке коклаштышт моткоч келшат, пырля модыт, вашла эреак польшкалат, умылта-

рат, жапым иквереш эртарат.

Дзюдо спортлан нуным тренерышт Андрей Ильич Ялпаев шўманда. Ты кружоклан көра рвезе-влак шуко ег дене палыме лийыныт, ятыр йолташым муыныт. Глеб тагасы-машлашке чўчкыдын ушна. Ик гана веле огыл ончыл верыш лектын. Шуко диплом ден медаль погыненыт.

Тидын деч посна изак-шоляк Мамаевмыт Йошкар-Оласе 5-ше номеран йоча сымкытыш школышто семўзгарым шокташ тунемыт: Глеб – гитарым, Егор – фортепианом, тыгак вокалыш коштеш. Тек чолга рвезе-влак лишыл еныштым сенгымышт дене эреак куандарат.

В.МАМАЕВА.

Фотом еш архив гыч налме.



Увер Изинек эмганен кушишо самырык спортсмен-влакын IV всероссийский кеҗежымсе спартакиадышт Башкортостан Республикасые Салават олаште иктешлалтын. Марий Элын командыже 15 медальым сенен налын да шке группыштыжо кумшо верыш лектын.

Шах да мат

Морко районысо школлаште тунемше-влак коклаште шахмат дене турнирым ий еда эртарат. Тений тагасымаш Марий Элын сулло туныктышыжо Г.И.Путиловым шарныме лўмеш лийын. Ты гана кугурак ийготан ўдыр-рвезе-влак ушакылыштым тергеныт. Коркатово лицейын тунемшыже-шамыч сенгыше-влак радамыш лектыныт. Линда Иванова икымше верым сенен налын. Юлиана Дядичкина ден Дмитрий Фёдоров кокымшо лийыныт.



В.СМИРНОВ.

Пөлекан модыш

«Кладым кычалмаш» модышым Морко район Шўргыял школышто ий еда эртарена. 18 тунемше, кок командылан шелалтын, түрлө заданийым шуктен, шылтыме пөлекым кычалынна. Тыгодым вий-куатнам тергенна, уш-акылнам пудыратылынна. Писе да чолга койышна сенгымышым лишемдаш полшен.

Надежда СЕРГЕЕВА.

Куштылго атлетикым йоратен шынденам. Молан шонеда? Шукерте огыл Шернур район Купран школышто эрталтше республикысе шыже кроссышто икымше верым сенен налынам. Тудо тале спортсмен-влак А.А.Половниковым, И.С.Павловым, Н.Г.Мамаевым шарныме лўмеш эртаралтын. Мый тыгай сенгымашке икымше гана шуынам. Мыланем кубокым, грамотым, медальым кучыктеныт. Йолташем-влакат сенгымышт дене кутешнат. Ростислав Васинкин икымше лийын. Максим Григорьев ден Росина Васинкина шке тагашышт-влак коклаште кокымшо верым сенен налыныт. Мемнам снимкыште ужыда.



Фотом школ архив гыч налме.

Марий Турек, Арбор.

Ульяна ФЁДОРОВА.

Школ йыр - Вүдон, ужава да молат

Шоналташ гын, тунуктышо-влак могай уста улыт! Мом гына ыштен огыт мошто!! Келге шинчымашым пуымо деч посна нуно түрлат, пидыт, сылнын сүретлат... Татарстан Республик Агрыз район Буймо школышто марий йылмым да литературым тунуктышо Э.Н.Ильина (снимкыште – тунемшыже-влак дене пырля) түрлө янлыкым, шукш-копшангым да молымат цемент гыч ненча.



Вүдоннын вуйжым ненченам. Вара ужавам, черепахым веранденам, трайым ыштенам. Тораштак огыл рок кокла гыч ончышо сокырголям кельштаренам, – ойла Эмма Николаевна.

Тыгай арверым чиялташ акрил чия, үмбадынже петыраш лак күлыт. Э.Н.Ильина мо улыж дене серлага. Парт, күвар чия дене веле чиялта. Садлан кызыт түсышт каяш тўналын. Лишыл жапыште уэш сорастараш шона. «Тек янлык дек шукш-копшангевлак йоча ден тунуктышо-шамычын кумьлыштым нўлтат», – ойла Эмма Николаевна.

Х.АЛЕКСАНДРОВА.



Фотом школ архив гыч налме.

– Школ кумдыкым тўзатыме конкурс тунемме тўнеж-влак коклаште ий еда эрталатеш. Кузе да мом ыштыме нерген ятыр жап шоненам.

Интернетыште тўрлө видео ончен, цемент гыч нечаш писын тунемынам. Конкурсын йодмыж почеш изирак пўям кельштарыман ыле. Офайрак лийже манын,

М Винем – таве. Чалвар – бруко.

Мутерым филологий шанче кандидат А.А.ИЛИЕВА ямдылаш полшен.

Шўртнў шыже

Шочмо кундемыштына шўртнў шыже озалана. Я йўр йўрын эрта, я чевер кече ончалеш – шыжын койшыжо тыгай. Йўдым гын йўкшемда, южо вере покшымат возын. Пушенге-влак сылне вургемыштым кудаашаш ямде улыт. Мардеж почеш лышташ-лаштым йоктарат. Олык-лаште шудын тўсшў вашталтын: кенежымсе гай ужарге огыл, шапалген. Туге гынат мыланем шыже келша. Мыйын шонымаште, тудо эн поян да мотор пагыт. Тендан чондам шыже мо дене сымыстара?

Элина ИЖБОЛДИНА.

Татарстан, Агрыз, Кучук.

Вўлэнгерын шўшпыкшў

Виче кундем Пыжанью район Вўлэнгер школышто марий йылмым шочмо йылме семын тунемыт гынат, ўдыр-рвезе-влак чылан яндарын кутырен огыт мошто. 3-шо классыште тунемше Аня Тесмеева (снимкыште) моткоч куандарыш. Тудын дене вашлийын мутланые годым чылт марла кутырыш.

– Мый изинек марий мурым мураш йўратем. Такмак-влак поснак келшат. Тунам калыкклан оңгыр гае йўкан улметым палдарен, куштен моштыметым ончыктен кертат. Тыгак Надежда Васканован репертуарже гыч «Кидыштемже пеледыш аршаш» муро чонемлан лишыл. Аватат Елена Геннадьевна марий семлан кумьлан. Южгунам коктын муралтена, – ойла ўдыр.

Аня школышто эрталалтше мероприятийлаште да Виче кундемысе марий тўвыра рўдерын концертлаштыже марла да рушла мура. Вўлэнгер ялышке унала мийымына годым марий ўдыр «Лач пырляште весела» концертыште марий такмакым йонгалтарыш. Сценыште шкенжым чылт артистлак кучыш: йўкшў яндар, капкылже лывырге. Аня ончыкыжым артист лийнеже. Икмынар ий гыч Вўлэнгерын шўшпыкшышым кугу сценыште ужнына манын ўшанена.

Х.ТОКПУЛАТОВА.



Авторын фотожо.



Марий калык шондашым лукташ кўлмө нерген ожнысек сайын пален. Шондаш азан тупешыже, онешыже, кид-йолешыже, южгунам чуриешыже, вачўмбаланже лектеш. Шем пырче семын палдырна. Тудын дене азам мончашке пуртымо годым «кучедалыт». Шондашым лукмеке, йыген-йыген вигак поген от нал гын, мөнгеш пурен кертеш, эшежым азан нөргө капшым шуркедылеш.

Теве Морко посёлко гыч кум шочшан самырык ава С.В.Васильева (снимкыште — ешыж дене) Рома, Аркадий, Арсений эргыже-влакын шондашыштым луктын. Светлана Вячеславовна авал лийшыже Т.А.Аблинова шижтарен да полшен. Нуно полан вўдым да чызе шўрым кучылтыныт.

— *Авал поланым шыжым кажне ийын морозильникыш кылмаш опта. Шондашым лукмо деч ончыч шулыктаренна да марле гоч шўренна. Мончаште изи нюган капшыкыже йыгенна да марле дене леведынна. Икшывым левырак лөкамбаке пыштен, куэ выньык дене пералтенна. Тыгодым тыге ойленна: «Изи Арсенийын (йочан лўмжө) шондашыжым луктына. Капшым шондаш деч утараш полшыза, малашыже ласка лийже, таза да йытыра кушшо». Ик гана ыштыме дене чыла*

Шондаш азам шортара

Изи аза шочмеке, ача-авалан түрлө нелылык дене тўкнаш логалеш. Падыраш чўчкыдын шортеш гын, самырык ег-влак амалжым иканаште пален огыт шукто. Азам шукыж годым шондаш тургыжландара. Тидын нерген эмлымверыште огыт ойло. Пелен кугурак ийготан еншамыч улыт гын, шижтарат. Шондаш деч кузе утлыман! Могай йўным кучылтман! Тидын нерген «ВКонтакте» соцылысе йолташем-влак деч уэш йодыштым.

огеш пыте, садлан икмыняр гана ыштыман. Кажне кечын мончаш пураш йон укеат, тыгай годым пўртыштак чызе шўрым йыгенна, — ойла Светлана Вячеславовна.

Морко посёлко гычак Э.В.Михайлова шондашым лукмо годым эше тыге каласаш

Советский район Ёшнур села гыч Г.А.Волкова эше ик йўным темлыш:

— *Ложаш дене мўйым лугыман да пенгыдеммешке нўштылман. Изи мўгинде гайым ыштыман да азан капшыкыже йыгыман. Марле дене леведын, выньык дене пералтыман.*



Фотом еш архив-гыч налме.

Шондашым лукмеке, азаласканеш, сайын мала, шортмым чарна. Тудым жапыштыже от лугын, кугурак лиймекеже, капше лўгышташ тўналеш. Садлан, ача-ава-влак, кугурак ийготаншамыч деч полышым йодса да нине темлыме ойканашла дене пайдаланыза.

кўлмө нерген палдарыш:

— *Лу, индеш, кандаш, шымыт, кудыт, визыт, нылыт, кумыт, кокыт, икыт. Иктат уке!*

Шондашым лукташ шукыж годым руашым кучылтыт. Шыдаг (южгунам уржа) ложашым ру (дрожжи) дене шуктарат. Руаш мелналан йөршө гай лийшаш. Мончаште азан капшым ырыктен, марле гоч вишкыде вартышым йыгат да выньык дене пералтат.

Мелна дене

Акаем дене пырля Коваем дек миенна. Ах, кузе мемнам вучен! Мелнамат кўэшт пукшен. Ковай ден кугешнена, Тудым чот йоратена.

Матвей ГАВРИЛОВ.

Советский, Кельмаксола.

Азан мўшкыржым тыгак **пўшыр** кочкын кертеш. Тыгай годым йочан мўшкыржө коршта. Пўшырым лукташ манын, кугезына-влак шырланге (подмаренник), пўшыршудо (дымянка) вўдым йўктеныт. Тыгак кучкылўйым пуэныт.



Фотом еш архив-гыч налме.

Лаштыкым Х.АЛЕКСАНДРОВА ямдылен.



Анастасия ГЕЦИУН сүретше. Медведево, Руэм.

Ах, шыже!

Шөртнө парчалажым шарен, мемнан деке унала шыже толын. Йырымваш түня моторештын. Чодыра үмбаке шонанпыл возын: пушенгевлак түрлө чиян лийыныт. Шыже йүран да мардежан игечылан поян. Олыкат сур түсым налын, кайык-влак кечывалвелыш чонештат, тыгодым шүлыкан муро гына йонга. Очын, садланак шыже шүлык кумылым луктеш. Кече күчыкемын, йүдым пич пычкемыш лийын.

Елена ОВЕЧКИНА.

Шернур, Лажъял.

Стрелке-влак почеш сүретлыза.

1↗	2↖	2←	1↖	2↓	2↘	3→	3↑
3↗	1↖	1↙	2←	2↖	2↑	2↗	2→
1↘	1↗	1↖	2↑	2↗	2→	2↘	2↓
1↙	4↘	1↓	1↖	4←	3↘	1↓	1←
1↘	1↓	1↙	7←	1↖			



Кешырна кугу

Аваемлан полшышым
Кешырым лукташ.
Шупшын-шупшын нойышым,
Ах, кугу улмаш!

Оптышна нөрөпышке
Телылан кочкаш.
Мый шонем, кенез марте
Садак ситышаш!

Костя ШЕХУРДИН.
Шернур, Кукнур.

Палаш онгай

Кешырын шочмо вержылан
Афганистан шотлалтеш.
Ожно тудо йошкарге, ошо,
нарынче, шемалге-канде
тўсан лийын. Кызытсе
кешырын нөшмыжым
Российыш Нидерланде гыч
конденыт.



Снимкыште: Костя кешырым луктеш. Фото еш архив гыч налме.

14 октябрь – Покро пайрем. Ожно кугезына-влак, Покро кечым ончен, телын могай лийшашыжым палемденыт.

Калык пале

➔ Мардеж эрвелым але касвелым пуа гын, теле йүштө лиеш, кечывалвелым гын – лывырге, йүдвелым гын – луман.

➔ Покролан пушенгыла гыч лышташ-влак йоген пытат гын, теле луман, куштылго лиеш. Пушенгылаште эше кечат гын, чатлама йүштым вучыман.

ПОДПИСКЕ

2024 ийын икымше пелыйжылан «Ямде лий» газетлан верласе связь отделенийлаште, podpiska.pochta.ru сайт полшымо дене возалташ лиеш.

Индекс — П4696.

Ак — 432 тенгеат 48 ыр.

Подпискым ыштыше-влак коклаште **лотерей** модыш эртаралтеш. Квитанцийым редакцийшке кол-тыман.

Тўн приз — 3D ручка.



Рекламе.

Рекламе.

М.ШКЕТАН ЛҮМЕШ МАРИЙ КУГУЖАНЫШ ДРАМЕ ТЕАТР

14 окт 16:00	В.Красногоров УШ ЙОММЕШ ЙОРАТЫМАШ Комедий Любовь до потери памяти	16+
15 окт 16:00	Э-Э.Шмитт ОСКАР И РОЗОВАЯ ДАМА Бисьма Богу	12+
18 окт 18:00	Н.Пушкина, С.Яндукова ЮМЫНҮДЫР Мюзикл Дочь Бога	6+
19 окт 18:00	Н.Гоголь РЕВИЗОР Комедий	12+
20 окт 18:00	А.Богачева КИТАЙ КУВА Комедий Китайская бабушка	16+
21 окт 16:00	М.Хейфец СПАСТИ КАМЕР-ЮНКЕРА ПУШКИНА История несостоявшегося подвига	12+

SHKETAN.RU ☎ 78-13-78

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз.
Заказ
Формат — А-4-8.

https://vk.com/yamde_lii
<https://t.me/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК:
Марий Эл Республикысе Тўвыра, печать да калык-влакын пашашт шотышто министерстве, Марий Эл Республикысе «Марий Эл» савыктыш пöрт» КАУ.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер — ПИ № ТУ52-01404,
2023 ий 22 сентябрьыште пуымо.

0+


Печатьыш пуымо жап — 14-00, фактически — 13-00

Авторын да редакцийын шонымышт түрлө лийын кертыт. Серыш-влак мөнтеш огыт коллат.
Ак — кутырен келшыме почеш.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкыш урем, 20-шо пöрт. Тел. 8(8362) 45-22-82.



Аделина КУКЛИНА
(У Торъял школ) – туныктышыжо Н.Л.Егошина дене пырля.



Карина СМОРОДИНОВА
(Кужэнгер, Шўдымарий) – туныктышыжо М.И.Иванова дене пырля.



Аделина ЭШЕМБАЕВА
(Параньга, Кугу Пумарий) – туныктышыжо Н.В.Чиркова дене пырля.

КОНКУРС

Домрын кокыт уло,
арфын – визыт,
гитарын – кудыт.
Пианошто мыняре?




☺	☼	☀	☐	●	☞	✓	○	☼	☒
У	Г	О	Л	Ў	–	Ы	А	Й	Т

Знак-влак олмеш буква-шамычым шындылын, туштым палыза.

Н.ТОКТАРОВА ямдылен.

☒	☺	☐		☀	☼	✓	☐	☞	☼	●	☐	○	☐	☒	○



Тыште чылаже мыняр онго!


Кө кузе кертеш

- Мый кү пörтым сүретлем!
- Мый гын – пу капкам!
- Мый – карандаш дене!
- Мый гын кистычкым налам!
- Мый пеш писын!
- Мый гын вашкыде!
- Мый кү пörтым сүретлем карандаш дене писын!
- Мый гын – пу капкам, кистычкым налын, вашкыде!

В.КРЫЛОВ.



Сүретым чиялтыза.



Лабиринтым эртыза.

Интернетесе сүрет-влакым кучылтмо.